



2653  
2931  
94208

Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Traffic**

Broj: 01-05-23146/19 KM  
Sarajevo, 23.09.2019. god.

**SKUPŠTINA KANTONA SARAJEVO**  
**SARAJEVO**

**PREDMET: Odgovor na „Zastupničku inicijativa“**

U prilogu dopisa dostavljamo Vam odgovor na pokrenutu zastupničku inicijativu na 9. Radnoj sjednici Skupštine Kantona Sarajevo održanoj dana 19.06.2019. godine, a od strane zastupnice Bibije Kerle.

**Pitanje:**

"S obzirom daje Vlada Kantona Sarajevo, na osnovu inicijative zastupnika DF-a Senada Hasanovića a potom i prijedloga Ministarstva saobraćaja, donijela zaključak kojim se obavezuju prijevoznici GRAS-a i Centrotransa da omoguće putnicima u Kantonu Sarajevo da sa Jedinostvenom kartom (osim pojedinačnih karata) koriste usluge Javnog linijskog prijevoza putnika kod oba prijevoznika u ima Kluba DF-a pokrećem inicijativu o formiranju zajedničke komisije koja će utvrditi Jedinostveni red vožnje oba gradska prevoznika.

**Obrazloženje:**

S obzirom daje ova odluka Vlade obradovala mnogobrojne građane Kantona Sarajevo, ostaje Jedino problem kako uskladiti red vožnje ova dva prevoznika. Bilo bi dobro da komisija sačinjena od članova zaposlenih u GRAS-u i Centrotransu sjedu i dogovore red vožnje na svim relacijama u Kantonu Sarajevo. Usklađivanjem tog reda vožnje izbjeglo bi se podudaranje dolaska autobusa u isto vrijeme. Red vožnje treba postaviti na svim autobuskim stajalištima na vidno mjesto odnosno na tablu, gdje bi građani kao i u svim ostalim svjetskim gradovima znali tačno kad polazi autobus sa neke određene destinacije. Isto tako bi trebalo uraditi plan, odnosno kartu linijskog kretanja autobusa."

**Odgovor :**

Zakonskim i podzakonskim aktima propisano je da se linijski prijevoz putnika na kantonalnim linijama obavlja na osnovu i u skladu sa registrovanim redom vožnje, a koji registruje i ovjerava Ministarstvo saobraćaja Kantona Sarajevo. Prijevoznik je dužan uredno i redovno vršiti prijevoz u linijskom cestovnom prijevozu prema registriranom i objavljenom redu vožnje.

Način registracije reda vožnje:

Pravilnikom o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo ( „Službene novine Kantona Sarajevo“ broj 28/09) u članu 3.



Propisano je "javni linijski prijevoz putnika na području Kantona obavlja se vozilima javnog linijskog prijevoza po utvrđenim linijama na mreži linija i prema važećim redovima vožnje, uz unaprijed utvrđenu cijenu i druge uslove prijevoza".

U skladu sa članom 7. Pravilnikom o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo stručna komisija je utvrdila mrežu linija na području Kantona Sarajevo.


Ministarstvo, može modificirati mrežu linija na zahtjev nadležnog organa općine, ukoliko utvrdi da postoji opravdanost takvog zahtjeva. Ministarstvo utvrđuje opravdanost te na temelju argumenata iznesenih u obrazloženju zahtjeva, te mišljenja Komisije. U slučaju pozitivne ocjene zahtjeva, Ministarstvo može modificirati mrežu linija pri čemu će u donesenom rješenju utvrditi probni rok i uslove održavanja za svaku konkretnu liniju koja se odobrava.

U skladu članom 7. Pravilnikom o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo Ministar Ministarstva saobraćaja Kantona Sarajevo formirao je: Komisiju za izradu prijedloga mreže linija javnog prijevoza putnika u Kantonu Sarajevo, a u čijem se sastavu nalaze i po jedan predstavnik iz KJKP "GRAS" d.o.o. Sarajevo i "Centrotrans Eurolines" d.d. Sarajevo.

S poštovanjem,

Dostaviti:

- Skupština Kantona Sarajevo
- Vlada Kantona Sarajevo
- evidencija
- arhiva



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

